

- cuncta bene faciens recta via graderis.
5 *Ulixē facundior, tulliane loqueris,*
columba simplicior nulli fraudes ingeris,
serpente callidior a nullo deciperis.
6 *Alexandro fortior inimicos conteris,*
Davide mansuetior a cunctis diligenteris,
et Martino largior das quod juste peteris.
7 *In regni negotio fit quodcunque precipis,*
qui sine consilio nichil prorsus incipis:
invidet tanto socio mens romani principis.
8 *Adhuc starent menia Mediolanensium,*
nec cesar per prelia victor esset hostium,
nisi dei gratia te dedisset socium.
9 *Electum Colonie, claris dignum laudibus,*
prē multa pauperie nudis laudo pedibus,
conqueror hoc hodie coram sanctis omnibus.
10 *Dum sanctorum omnium colitur celebritas,*
singuli coletum gerunt vestes inclitas,
archicancellarii vatem pulsat nuditas.
11 *Poeta composit rationem rhythmicam,*
atyrus imposuit melodiam musicam,
unde bene meruit mantellum et tunicam.

VIII.

Archipoeta.

Presul urbis *Aripine*,
qui rigorem discipline
bonitate temperas,
nichil agens indiscrete
ne sit fama mendax de te
vita famam s(uperas).

(cetera desunt)

6, 2 cod. David.

6, 3 cod. Martino.

11, 2 atyrus? ich denke *satyrus*, der flötende waldgeist, faun.

oder *Sityrus*, der bei Virgil flötet.

I 2